



SIARAN MEDIA
KEMENTERIAN PELANCONGAN, SENI DAN BUDAYA

STARS OF URUGUAY 2025 – GLOBAL FOOTBALL
FRIENDLY IN MALAYSIA
MELAKA TERUS CIPTA NAMA SEBAGAI DESTINASI PILIHAN AKSI
BOLA SEPAK ANTARABANGSA

Melaka | 14 Oktober 2025 : Aksi bola sepak antarabangsa bertaraf dunia “Stars of Uruguay 2025 – Global Football Friendly in Malaysia” yang berlangsung di Stadium Hang Jebat, Melaka semalam telah berjaya menarik perhatian peminat bola sepak tempatan dan antarabangsa.

Perlawanan persahabatan membabitkan pasukan Uzbekistan menentang Uruguay itu bukan sahaja menyajikan persembahan menarik di padang, malah memperkukuh kedudukan Malaysia sebagai destinasi utama bagi penganjuran acara sukan bertaraf antarabangsa di rantau ini.

Acara berprestij anjuran Cohesion Prima dan CRIC Global dengan sokongan Kementerian Pelancongan, Seni dan Budaya (MOTAC) ini adalah bersempena kempen Tahun Melawat Malaysia 2026 (VM2026) dan turut mendapat kerjasama Kerajaan Negeri Melaka, yang sedang melaksanakan kempen Tahun Melawat Melaka 2024–2026. Kehadiran para penonton di Stadium Hang Jebat telah memberikan impak positif kepada sektor pelancongan domestik, khususnya di negeri Melaka, melalui peningkatan tempahan penginapan, aktiviti rekreasi, serta perbelanjaan pelancong.

Menurut YB Dato Sri Tiong King Sing, Menteri Pelancongan, Seni dan Budaya, kejayaan penganjuran acara ini membuktikan kemampuan Malaysia sebagai tuan rumah yang berwibawa untuk acara sukan berskala antarabangsa.

“Penganjuran acara seperti ini selaras dengan hasrat kerajaan untuk memperkukuh segmen pelancongan sukan dalam usaha menarik lebih ramai pelancong ke Malaysia menjelang Tahun Melawat Malaysia 2026. Ia juga seiring dengan prinsip Malaysia MADANI yang menekankan aspek kemampanan, kemajuan dan keterangkuman dalam pembangunan negara,” katanya.

Kehadiran pemain-pemain bertaraf dunia dalam perlawanan ini turut menyerikan lagi suasana dan mengangkat imej Malaysia sebagai destinasi pelancongan yang dinamik, berdaya saing serta kaya dengan pengalaman berimpak tinggi bagi pelancong antarabangsa.

Dikeluarkan oleh:

Unit Komunikasi Korporat
KEMENTERIAN PELANCONGAN, SENI DAN BUDAYA (MOTAC)
Tel: 03-8000 8000 Fax: 03-8891 7181
Website: www.motac.gov.my Email: group.ukk@motac.gov.my
Facebook, Instagram, X & TikTok: @mymotac

